

Candela grandi a paraliza comercio den caya grandi



ORANJESTAD- Ayera mainta y tambe pa gran parti di awe, comercio den Caya Betico Croes tabata paraliza y negoshinan a permanece sera despues di e incendio feroz cu a destrui shete negoshi, despues di a inicia den La Linda. Hopi



hende tabata cana den caya pero ningun pa haci compras pero mas bien pa mira e siniestro ocasiona pa e candela grandi e anochi prome y cu a destrui un di e negoshinan mas popular di pueblo.

Segun Comandante di Bombero, sr. Donata

Edificio di La Linda tabata un preocupacion pa cuerpo di bombero pa basta aña caba



ORANJESTAD – E edificio di La Linda tin su historia. No su historia cultural, pero un historia serca cuerpo di bombero. Di dia cu sr. Donata a drenta den servicio di cuerpo di bombero, e edificio di La Linda tabata un preocupacion pa e cuerpo.

Donata a indica cu e motibo di esaki ta, cu e tin un “vuurbelasting” hopi grandi y hopi biaha tabata tin entrenamiento caba cu e edificio aki, yena caya cu awa salo, pa motibo cu cuerpo di bombero tabata tin miedo semper di e edificio aki, pa motibo cu si e luga aki kima, semper tabata tin e pensamiento cu no solamente La Linda tin chens di kima, pero e alrededor tambe tin chens di kima y esei tabata e preocupacion di mas grandi e dia anochi einan di cuerpo di bombero, esta cu e candela ta expande bai otro

edificio nan. E tarea principal di cuerpo di bombero e anochi ei tabata pa domina e candela den e area ei so, mirando e magnitud di esaki. E “vuurbelasting” cu tin den e edificio di La Linda y e risico cu bo ta core pa hinca hende den La Linda ta asina grandi, cu bo not a bai hinca bo hende den risico na e momento einan y sr. Donata tin cu bisa, cu si wak bon, Aruba Bank a hiba solamente daño di su glasnán ariba, ya cue muraya cu ta grens cu Arco Iris tin Glas den dje, pa un poco descuido, e vlamnan por a bai den e edificio di Aruba Bank y pesei cuerpo di bombero a dicidi na momento oportunidad pa hinca un slang einan pa proteha Aruba bank y pa despues tambe proteha e luganan rond di La Linda. Tabata tin un dado momento cu hasta e borchí di propaganda di Bata a

pega candela, pues un edificio te na otro banda di caminda a pega candela dor di e intensidad di e vlamnan cu tabata tin. E muraya di bida bai ariba, tambe a haya consecuencia, debi cue verf a lanta y por a mira cu e Rolliuken nan tambe a sufrí daño, kiemen e intensidad tabata asina grandi y e preocupacion di cuerpo di bombero tabata, pa mantene e area ei bon bou di control pa evita cu e candela lo expande. Mester tene cuenta cu La Linda ta den centro di caya grandi y caya ta entrada di nos economia y esei tabata un preocupacion di cuerpo di bombero.

Mester tene cuenta cu loke a pone disponibel e anochi di e candela, ta tur loke cu por tabata tin, a keda poni pa yuda den e trabou.

Mester bisa cu pa 8or di anochi a pidi tur radio emisora pa pidi tur personal di cuerpo di bombero pa acudi na e sitio pa òfuna un man.

Hasta a pidi Valero y La Cabana tambe pa nan bin pa stand by pa cuerpo di bombero, debi cu nan sa cu e situacion aki ta bai tarda hopi, y Valero a bin cu pompabou tambe, unda cu nan pro a yuda den e situacion. Den lat di marduga a pidi ayudo di e miembronan di e diferente instancianan pa yuda paga e candela, pues un situacion caminda cu tur loke tabata tin cu por a funciona tabata na e sitio pa yuda combati e candela feros, cu loke unicamente cuerpo di bombero por a haci ta, controla e situacion pa e no haci mas daño.



Candela no a inicia ni den Arco Iris y tampoco den Coral Gifshop pero den La Linda



ORANJESTAD- E fotonan ta papia pa nan mes, caminda claramente por ripara cu den ningun di e negoshinan banda di La Linda, e incendio a inicia.

Tabata un momento crucial caminda fotografo di Bon Dia Aruba, Dino Tromp, a dreña hunto cu oficialnan di bombero den e negoshinan aki enbusca di e candela cu tanto huma tabata saca.

Solamente a encontra huma den e lugar y e rumor inicialmente cu e incendio a cuminsa den refresqueria Arco Iris, no ta cuadra cu berdad ya cu e foto di Bon Dia Aruba, ta confirma esaki. E lugar tabata liber di candela, liber hasta di huma inicialmente pero e parti ariba di e edificio, caminda e negoshi di La Linda ta situa, si tabata na candela cu a colma e lugar cu huma despues di un rato.

E causa di e candela no ta conoci pero por bisa cu na momento a descubri cu tin huma saliendo for di e piso ariba di La Linda y a bati alarma, ya no por a haci mucho mas pa scapa e lugarnan aki.

E magnitud di e incendio a sosprende tur hende dado momento, ya cu den cuestion di algun minuut e edificio a bai den gara di e vlamnan

oranje y cora y e lucha pa contene e candela mei mei di e murayanan di La Linda, a inicia.

Ocho ora despues a logra di domina e candela y por bisa cu ya no tabatin mas peligro, mientras cu ayera y awe ainda ta sigui cu trabounan di spuit awa pa controla esaki completamente.

